

*Засгийн газрын 2004 оны 236 дугаар
тогтоолын 4 дүгээр хавсралт*

*БОЛОВСРОЛ, СОЁЛ, ШИНЖЛЭХ УХААНЫ ЯАМНЫ ҮЙЛ АЖИЛЛАГААНЫ
СТРАТЕГИ, ЗОХИОН БАЙГУУЛАЛТЫН БҮТЦИЙН ӨӨРЧЛӨЛТИЙН
ХӨТӨЛБӨР*

Нэг. Нийтлэг үндэслэл

1.1. Оршил

Боловсрол, соёл, шинжлэх ухааны яамны үйл ажиллагааны стратеги, зохион байгуулалтын бүтцийн өөрчлөлтийн хөтөлбөр (цаашид "хөтөлбөр" гэх)-ийн зорилго нь Засгийн газрын болон Боловсрол, соёл, шинжлэх ухааны сайдын бүрэн эрх, эрхлэх асуудлын хүрээнд хууль тогтоомж, бодлого, шийдвэрийн төсөл боловсруулах, эдгээр асуудлаар төрийн бодлого, хууль тогтоомж, Засгийн газрын үйл ажиллагааны хөтөлбөрийг хэрэгжүүлэхэд чиглэсэн стратегийн төлөвлөлт, бодлогын удирдамжаар хангах, төрийн захиргааны удирдлага, зохицуулалт болон бодлогын хэрэгжилтэд хяналт-шинжилгээ (мониторинг) хийх, үр дүнд үнэлгээ өгөх асуудлыг хамарсан үйл ажиллагааны стратеги, зохион байгуулалтын бүтцийн үндэслэлийг тодорхойлоход оршино.

Хөтөлбөрийг боловсруулахад Улсын Их Хурлын 1996 оны 38 дугаар тогтоолоор зөвшөөрсөн "Монгол Улсын төрөөс Засгийн газрын үйл ажиллагааны чиглэл, бүтцийн ерөнхий тогтолцооны өөрчлөлт, шинэчлэлтийн талаар баримтлах бодлого", Засгийн газрын бүтцийн тухай хуулийг тус тус үндэс болгов.

1.2. Хөтөлбөрийг хэрэгжүүлэх хууль тогтоомжийн орчин

Хөтөлбөрийг дор дурдсан хууль тогтоомжийн хүрээнд хэрэгжүүлнэ:

- Монгол Улсын Үндсэн хууль*
- Засгийн газрын тухай хууль*
- Засаг захиргаа, нутаг дэвсгэрийн нэгж, түүний удирдлагын тухай хууль*
- Төсвийн байгууллагын удирдлага, санхүүжилтийн тухай хууль*
- Төрийн албаны тухай хууль*
- Боловсролын тухай хууль*
- Бага, дунд боловсролын тухай хууль*
- Дээд боловсролын тухай хууль*
- Соёлын тухай хууль*
- Соёлын өвийг хамгаалах тухай хууль*
- Шинжлэх ухаан, технологийн тухай хууль*

- *Технологи дамжуулах тухай хууль*
- *Мэргэжлийн боловсрол, сургалтын тухай хууль*
- *Төрөөс боловсролын талаар баримтлах бодлого*
- *Шинжлэх ухаан, технологийн талаар төрөөс баримтлах бодлого*
- *Төрөөс баримтлах соёлын бодлого*
- *Бусад хууль тогтоомж, бодлогын баримт бичиг.*

1.3. Яамны чиг үүрэг

Яам нь боловсрол, соёл, шинжлэх ухааны талаархи төрийн бодлого, Засгийн газрын үйл ажиллагааны стратегийг хэрэгжүүлэхэд Засгийн газар, Боловсрол, соёл, шинжлэх ухааны сайдад мэргэжлийн зөвлөлгөө, дэмжлэг үзүүлнэ.

1.4. Стратегийн бодлого, зохицуулалтын хэрэгцээний эх үүсвэр

Боловсрол, соёл, шинжлэх ухааны яамны стратегийн бодлого, зохицуулалтын хэрэгцээний эх үүсвэр нь үйлчлүүлэгч буюу тус яамны ажил, үйлчилгээг хэрэглэгчийн эрэлт, захиалга, даалгавар байхаар тодорхойлов. Эдгээр үйлчлүүлэгч буюу хэрэглэгчдийн бүлгийг бүдүүвч 1-д харуулав.

Бүдүүвч 1. БОЛОВСРОЛ, СОЁЛ, ШИНЖЛЭХ УХААНЫ ЯАМНЫ СТРАТЕГИЙН БОДЛОГО, ЗОХИЦУУЛАЛТЫН ХЭРЭГЦЭЭНИЙ ЭХ ҮҮСВЭР



Яамны үндсэн үйлчлүүлэгч буюу хэрэглэгч нь Засгийн газар, Боловсрол, соёл, шинжлэх ухааны сайд байна. Яамны стратегийн бодлого, зохицуулалт нь нэн түрүүнд үндсэн үйлчлүүлэгч буюу хэрэглэгчийн эрэлт, хэрэгцээг хангахад чиглэнэ. Бүдүүвч 1-д тусгасан хэрэглэгчдийн хувьсан өөрчлөгдөж байгаа нийтлэг болон бүлэг бүрийн онцлог хэрэгцээ нь яамны стратегийн бодлого, зохицуулалтын үйл ажиллагаа, үйлчилгээний хүрээ, төрөл, хэлбэр, яамны зохион байгуулалтын бүтцийн нэгжүүдийн зорилт, чиг үүргийг тодорхойлох суурь болно.

Хоёр. Яамны үйл ажиллагааны стратеги

2.1. Яамны үйл ажиллагааны стратегийн мөн чанар

Яамны үйл ажиллагааны стратегийн мөн чанар нь Засгийн газрын үйл ажиллагааны тэргүүлэх чиглэл, Засгийн газрын үйл ажиллагааны хөтөлбөр, Боловсрол, соёл, шинжлэх ухааны сайдын эрхлэх асуудлын хүрээний зорилт, чиг үүргийг хэрэгжүүлэхэд чиглэсэн өндөр мэргэшлийн, цаг үеэ олсон, шуурхай зөвлөлгөө, бүх талын дэмжлэг үзүүлэхэд оршино.

2.2. Үйл ажиллагааны тэргүүлэх чиглэл

2.2.1. Боловсрол, соёл, шинжлэх ухааны салбарын үйл ажиллагааг стратегийн төлөвлөлт, бодлогын удирдамжаар хангах замаар:

2.2.1.1. Боловсрол, сургалтын ажил, үйлчилгээний агуулга, хүртээмж, чанарыг тасралтгүй сайжруулах;

2.2.1.2. Соёл, урлагийн үйлчилгээний хүртээмж, үр нөлөөг дээшлүүлэх, түүх, соёлын өвийг хамгаалах, сурталчлах нөхцөлийг бүрдүүлэх;

2.2.1.3. Шинжлэх ухаан, технологийн үндэсний чадавхийг нэмэгдүүлэх орчин бүрдүүлэх.

2.2.2. Боловсрол, соёл, шинжлэх ухааны салбарын үйл ажиллагаанд Засгийн газраас төсөвлөсөн хөрөнгө, нөөцийг хуваарилан зохицуулах, улсын хэмжээний хөтөлбөр, төслийн хэрэгжилтийг зохион байгуулж, нийтлэг удирдамжаар хангах;

2.2.3. Боловсрол, соёл, шинжлэх ухааны талаархи бодлого, шийдвэрийн хэрэгжилтэд хяналт-шинжилгээ (мониторинг) хийх, үнэлгээ өгөх;

2.2.4. Төрийн захиргааны болон хүний нөөцийн удирдлагын манлайллыг хангах, үйл ажиллагааны чадавхи, үр нөлөөг дээшлүүлэх.

2.3. Үйл ажиллагааны эрхэм зорилго

Боловсрол, соёл, шинжлэх ухааны яамны эрхэм зорилго нь үйлчилгээний хүртээмж, чанар нь тасралтгүй сайжирч хүний хөгжил, эдийн засгийн өсөлтөд байнгын түлхэц дэмжлэг үзүүлэхүйц, өрсөлдөх чадавхитай боловсрол, соёл, шинжлэх ухааны салбарын тогтолцоог төлөвшүүлэх явдал мөн.

2.4. Үйл ажиллагааны стратегийн зорилт

Яам нь стратегийн дор дурдсан зорилтыг хэрэгжүүлнэ:

2.4.1. Боловсролыг хөгжүүлэх стратегийн бодлого, зохицуулалтын удирдамжаар хангах;

2.4.2. Соёл, урлагийг хөгжүүлэх стратегийн бодлого, зохицуулалтын удирдамжаар хангах;

2.4.3. Шинжлэх ухаан, технологийг хөгжүүлэх стратегийн бодлого, зохицуулалтын удирдамжаар хангах;

2.4.4. Боловсрол, соёл, шинжлэх ухааны хөгжлийн бодлогыг хэрэгжүүлэх эдийн засаг, хөрөнгө оруулалт, санхүүгийн удирдлага, зохицуулалтын удирдамжаар хангах;

2.2.5. Боловсрол, соёл, шинжлэх ухааны бодлого, төлөвлөгөө, хөтөлбөрийн хэрэгжилтэд хяналт-шинжилгээ (мониторинг) хийх, үр дүнд үнэлгээ өгөх;

2.2.6. Төрийн захиргааны болон хүний нөөцийн удирдлагын манлайллыг хангах, салбарын гадаад харилцаа, хамтын ажиллагааг хөгжүүлэх.

2.5. Үйл ажиллагааны гол зорилт

Стратегийн зорилтын хүрээнд дор дурдсан үйл ажиллагааны гол зорилтыг хэрэгжүүлнэ:

2.5.1. Үйл ажиллагааны стратегийн 1 дүгээр зорилтын хүрээнд:

2.5.1.1. Боловсролыг хөгжүүлэх бодлогын удирдамжаар хангахад зөвлөлгөө, дэмжлэг үзүүлэх;

2.5.1.2. Боловсролыг хөгжүүлэх хөтөлбөр, төсөл, арга хэмжээний боловсруулалт, хэрэгжилтийн зохицуулалтыг сайжруулах;

2.5.1.3. Боловсролын талаархи төрийн бодлого, хууль тогтоомжийн хэрэгжилтэд дэмжлэг үзүүлэх.

2.5.2. Үйл ажиллагааны стратегийн 2 дугаар зорилтын хүрээнд:

2.5.2.1. Соёл, урлагийг хөгжүүлэх бодлогын удирдамжаар хангахад зөвлөлгөө, дэмжлэг үзүүлэх;

2.5.2.2. Соёл, урлагийг хөгжүүлэх хөтөлбөр, төсөл, арга хэмжээний боловсруулалт, хэрэгжилтийн зохицуулалтыг сайжруулах;

2.5.2.3. Соёл, урлагийн талаархи төрийн бодлого, хууль тогтоомжийн хэрэгжилтэд дэмжлэг үзүүлэх.

2.5.3. Үйл ажиллагааны стратегийн 3 дугаар зорилтын хүрээнд:

2.5.3.1. Шинжлэх ухаан, технологийг хөгжүүлэх бодлогын удирдамжаар хангахад зөвлөлгөө, дэмжлэг үзүүлэх;

2.5.3.2. Шинжлэх ухаан, технологийг хөгжүүлэх хөтөлбөр, төсөл, арга хэмжээний боловсруулалт, хэрэгжилтийн зохицуулалтыг сайжруулах;

2.5.3.3. Шинжлэх ухаан, технологийн талаархи төрийн бодлого, хууль тогтоомжийн хэрэгжилтэд дэмжлэг үзүүлэх.

2.5.4. Үйл ажиллагааны стратегийн 4 дүгээр зорилтын хүрээнд:

2.5.4.1. Нягтлан бодох бүртгэлийн нэгдсэн удирдлагаар хангах;

2.5.4.2. Салбарын санхүү мөнгөний удирдлагыг сайжруулах, үр ашгийг дээшлүүлэх;

2.5.4.3. Салбарын стратеги, бодлогын арга хэмжээг санхүү, эдийн засгийн хөшүүргээр дэмжих;

2.5.4.4. Салбарын эдийн засгийн боломжийг нэмэгдүүлэх, зохистой хуваарилалтыг хангах;

2.5.4.5. Хөрөнгө оруулалтын бодлого, зохицуулалтыг хангах, үр ашгийг дээшлүүлэх;

2.5.4.6. Салбарын үндсэн хөрөнгө, барилга байгууламжийн менежментийг сайжруулахад удирдлага зохицуулалтаар хангах;

2.5.4.7. Салбарт хэрэгжиж буй гадаад, дотоодын төсөл, хөтөлбөр, арга хэмжээний санхүү, эдийн засгийн нэгдсэн удирдлага, зохицуулалт, уялдаа холбоог сайжруулах.

2.5.5. Үйл ажиллагааны стратегийн 5 дугаар зорилтын хүрээнд:

2.5.5.1. Салбарын бодлого, төлөвлөгөө, хөтөлбөр, төслийн хэрэгжилтэд хяналт-шинжилгээ хийх, үр дүнд нь үнэлгээ өгөх;

2.5.5.2. Салбарын статистик мэдээллийн шалгуур үзүүлэлт, бодит байдал, боловсруулалтыг сайжруулж, удирдлагын шийдвэр бэлтгэх;

2.5.5.3. Удирдлагын мэдээллийн нэгдсэн сан, сүлжээ бүрдүүлж, мэдээллээр үйлчлэх.

2.5.6. Үйл ажиллагааны стратегийн 6 дугаар зорилтын хүрээнд:

2.5.6.1. Төрийн захиргааны болон хүний нөөцийн удирдлагын чадавхийг дээшлүүлэхэд дэмжлэг, үйлчилгээ үзүүлэх;

2.5.6.2. Аппаратын ажилтнуудын өндөр бүтээмжтэй ажиллах нөхцөлийг хангаж, байгууллагын соёлыг төлөвшүүлэхэд дэмжлэг үзүүлэх;

2.5.6.3. Салбарын гадаад харилцаа, хамтын ажиллагааны үр нөлөөг дээшлүүлэх.


2.6. Үйл ажиллагааны зорилт


Гол зорилт тус бүрийн хүрээнд тэдгээрийг хэрэгжүүлэхэд чиглэсэн үйл ажиллагааны зорилтуудыг яамны нэгжүүдийн чиг үүрэг, төрийн захиргааны албан хаагчдын ажлын байр (албан тушаал)-ны тодорхойлолтод тусган хэрэгжүүлнэ.

2.7. Үйл ажиллагааны стратегийн загвар

Яамны үйл ажиллагааны стратегийн загварыг дор дурдсанаар тодорхойлж байна (Бүдүүвч 2):

Бүдүүвч 2. БСШУЯ-НЫ ҮЙЛ АЖИЛЛАГААНЫ СТРАТЕГИЙН ЗАГВАР





Гурав. Яамны үйл ажиллагааны бүтцийн ерөнхий тогтолцоо, зохион байгуулалтын бүтэц, тэдгээрийн чиг үүрэг

3.1. Бүтцийн ерөнхий тогтолцоо боловсруулахад баримтлах зарчим

Боловсрол, соёл, шинжлэх ухааны яамны үйл ажиллагааны бүтцийн ерөнхий тогтолцоо, зохион байгуулалтын бүтцийг боловсруулахад дараахь зарчмыг баримтлав:

3.1.1. Засгийн газрын үйл ажиллагааны стратегитэй уялдуулан яамны стратегийн зорилтыг тусгасан байх;

3.1.2. Эрх мэдлийн ялгаа зааг нь тодорхой, итгэл хүлээхүйц байх;

3.1.3. Үзэгдэхүйц үйлчилгээний болон стратегийн удирдлагын баримжаатай байх;

3.1.4. Бүтцийн хувьд энгийн байх;

3.1.5. Яамны үйл ажиллагааны стратеги, бүтцийн хоорондын тэнцвэрийг хангах, хяналтын хүрээг зохистой тогтоох;


3.1.6. Улс төрийн хувьд төвийг сахисан байх;

3.1.7. Яамны хүний нөөц, чадавхийг бүрэн илрүүлж, зохимжтой, үр нөлөөтэй ажиллуулах.

3.2. Үйл ажиллагааны бүтцийн ерөнхий тогтолцооны загвар

Дээр дурдсан зарчим болон яамны үйл ажиллагааны стратегийн загвар (Бүдүүвч 2)-ыг үндэслэн тус яамны үйл ажиллагааны бүтцийн ерөнхий тогтолцооны дараахь загварыг санал болгож байна:

**Бүдүүвч 3. БОЛОВСРОЛ, СОЁЛ, ШИНЖЛЭХ УХААНЫ ЯАМНЫ
ҮЙЛ АЖИЛЛАГААНЫ БҮТЦИЙН ЕРӨНХИЙ
ТОГТОЛЦООНЫ ЗАГВАР**



3.3. Зохион байгуулалтын бүтэц

Боловсрол, соёл, шинжлэх ухааны яамны үйл ажиллагааны стратеги болон үйл ажиллагааны бүтцийн ерөнхий тогтолцооны загварыг үндэслэн тус яамны зохион байгуулалтын бүтцийн нэгжүүд, тэдгээрийн чиг үүргийг дор дурдсанаар тодорхойлж байна:

3.3.1. Стратегийн бодлого, төлөвлөлтийн асуудал эрхэлсэн зохион байгуулалтын бүтцийн нэгжүүд, тэдгээрийн үндсэн үүрэг, чиг үүрэг

Эдгээр нэгж нь үйл ажиллагааны стратегийн 1, 2, 3 дугаар зорилтын хүрээнд Боловсрол, соёл, шинжлэх ухааны сайдын эрхлэх асуудлын хүрээний бодлого, төлөвлөгөө, хөтөлбөр, төсөл боловсруулах, бодлогын хэрэгжилтийг нийтлэг удирдамжаар хангах үндсэн үүргийг хүлээж боловсрол, соёл урлаг, шинжлэх ухаан, технологийн хөгжлийн урт, дунд, богино хугацааны стратегийн төлөвлөлт, бодлогын удирдамжаар хангах, төлөвлөгөө, хөтөлбөр, төсөл боловсруулах, нийтлэг зохицуулалтаар хангах чиг үүргийг хэрэгжүүлэх нэгжүүд байна. Тухайлбал:

3.3.1.1. Боловсролын бодлого зохицуулалтын асуудал эрхэлсэн зохион байгуулалтын бүтцийн нэгж, түүний чиг үүрэг:

Энэ нэгж нь үйл ажиллагааны стратегийн 1 дүгээр зорилтын хүрээнд Боловсрол, соёл, шинжлэх ухааны сайдын эрхлэх асуудлаар бүх нийтийн болон мэргэжлийн боловсрол, сургалтыг хөгжүүлэх бодлогын үндэслэл, урт, дунд, богино хугацааны төлөвлөлт, хөтөлбөр, төсөл, арга хэмжээг боловсруулах, тэдгээрийг нэгдсэн зохицуулалтаар хангах чиг үүргийг хэрэгжүүлнэ.

3.3.1.2. Соёл, урлагийн бодлого, зохицуулалтын асуудал эрхэлсэн зохион байгуулалтын бүтцийн нэгж, түүний чиг үүрэг:

Энэ нэгж нь үйл ажиллагааны стратегийн 2 дугаар зорилтын хүрээнд Боловсрол, соёл, шинжлэх ухааны сайдын эрхлэх асуудлаар соёл, урлагийг хөгжүүлэх бодлогын үндэслэл, урт, дунд, богино хугацааны төлөвлөгөө, хөтөлбөр, төсөл, арга хэмжээг боловсруулах, тэдгээрийг нэгдсэн зохицуулалтаар хангах чиг үүргийг хэрэгжүүлнэ.

3.3.1.3. Шинжлэх ухаан, технологийн бодлого зохицуулалтын асуудал эрхэлсэн зохион байгуулалтын бүтцийн нэгж, түүний чиг үүрэг:

Энэ нэгж нь үйл ажиллагааны стратегийн 3 дугаар зорилтын хүрээнд Боловсрол, соёл, шинжлэх ухааны сайдын эрхлэх асуудлаар шинжлэх ухаан, технологийг хөгжүүлэх бодлогын үндэслэл, урт, дунд, богино хугацааны төлөвлөгөө, хөтөлбөр, төсөл, арга хэмжээг боловсруулах, хэрэгжилтийг зохицуулах чиг үүргийг хэрэгжүүлнэ.

Стратегийн бодлого, төлөвлөлтийн асуудал эрхэлсэн зохион байгуулалтын бүтцийн нэгжүүд нь цаг үеэ олсон шуурхай мэдээлэл, мэргэшлийн зөвлөлгөө, үйлчилгээ, бүх талын дэмжлэг үзүүлэх замаар чиг үүргээ хэрэгжүүлнэ.

Стратегийн бодлого, төлөвлөлтийн асуудал эрхэлсэн зохион байгуулалтын бүтцийн нэгжүүдийн үйлчилгээний үндсэн үйлчлүүлэгч нь Засгийн газрын Танхим, Боловсрол, соёл, шинжлэх ухааны сайд байх бөгөөд хэрэглэгч нь бусад яам, Засгийн газрын тохируулагч, хэрэгжүүлэгч агентлаг, нутгийн захиргааны байгууллага, боловсрол, сургалт, эрдэм шинжилгээний байгууллага, аж ахуйн нэгж, төрийн ба төрийн бус байгууллага, иргэд байна.

3.3.2. Бодлогын хэрэгжилт, хөрөнгө, санхүүгийн зохицуулалтын асуудал эрхэлсэн зохион байгуулалтын бүтцийн нэгжийн үндсэн үүрэг, чиг үүрэг

Энэ нэгж нь үйл ажиллагааны стратегийн 4 дүгээр зорилтын хүрээнд салбарын эдийн засаг, хөрөнгө оруулалтын бодлогын үндэслэл, төсвийн ерөнхийлөн захирагчийн төсвийн багцын төлөвлөлт, нэгдсэн зохицуулалт, нягтлан бодох бүртгэлийн нэгдсэн удирдлагаар хангах, салбарын санхүү, мөнгөний удирдлагыг сайжруулах, үр ашгийг дээшлүүлэх, салбарын стратеги, бодлогын арга хэмжээг санхүү, эдийн засгийн хөшүүргээр дэмжих, салбарын эдийн засгийн боломжийг нэмэгдүүлэх, зохистой хуваарилалтыг хангах, зардал, эдийн засгийн нэгдсэн норм, нормативыг боловсруулах, үндэслэлийг сайжруулах, худалдан авах ажиллагааны нэгдсэн удирдлага, хөрөнгө оруулалтын бодлого, зохицуулалтыг хангах, үр ашгийг дээшлүүлэх, үндсэн хөрөнгө, барилга байгууламжийн менежментийг сайжруулахад удирдлага, зохицуулалтаар хангах, салбарт хэрэгжиж буй гадаад, дотоодын төсөл, хөтөлбөр, арга хэмжээний санхүү, эдийн засгийн нэгдсэн удирдлага, зохицуулалт, уялдаа холбоог сайжруулах зэрэг чиг үүргийг хэрэгжүүлнэ. Энэ чиг үүргийг цаг үеэ олсон шуурхай мэдээлэл, мэргэшлийн зөвлөлгөө, үйлчилгээ, бүх талын дэмжлэг үзүүлэх замаар хэрэгжүүлнэ.

Энэ нэгжээс үзүүлэх үйлчилгээний үндсэн үйлчлүүлэгч нь Боловсрол, соёл, шинжлэх ухааны сайд, яамны зохион байгуулалтын бүтцийн нэгжүүд байх бөгөөд шууд бус хэлбэрээр энэ үйлчилгээг хэрэглэгч нь бусад яам, агентлаг, олон улсын байгууллага, сургууль, цэцэрлэг, соёл, урлагийн болон эрдэм шинжилгээний байгууллага, иргэд байна.

3.3.3. Мэдээлэл, хяналт-шинжилгээ, үнэлгээний асуудал эрхэлсэн зохион байгуулалтын бүтцийн нэгж, үндсэн үүрэг, чиг үүрэг:

Энэ нэгж нь үйл ажиллагааны стратегийн 5 дугаар зорилтын хүрээнд салбарын хөгжлийн бодлогын хэрэгжилтэд хяналт-шинжилгээ хийх, үнэлгээ өгөх, удирдлагын мэдээллийн сүлжээ, сан бүрдүүлэх, мэдээллээр үйлчлэх зэрэг чиг үүргийг хэрэгжүүлнэ.

Энэ чиг үүргийг цаг үеэ олсон шуурхай мэдээлэл, мэргэшлийн зөвлөлгөө, үйлчилгээ, бүх талын дэмжлэг үзүүлэх замаар хэрэгжүүлнэ.

Энэ нэгжээс үзүүлэх үйлчилгээний үндсэн үйлчлүүлэгч нь Боловсрол, соёл, шинжлэх ухааны сайд, яамны зохион байгуулалтын бүтцийн нэгжүүд, Үндэсний статистикийн газар байх бөгөөд шууд бус хэлбэрээр энэ үйлчилгээг хэрэглэгч нь бусад яам, агентлаг, олон улсын байгууллага, сургууль, цэцэрлэг, соёл, урлагийн болон эрдэм шинжилгээний байгууллага, иргэд байна.

3.3.4. Төрийн захиргааны удирдлага, гадаад хамтын ажиллагааны асуудал эрхэлсэн зохион байгуулалтын бүтцийн нэгж, үндсэн үүрэг, чиг үүрэг:

Энэ нэгж нь үйл ажиллагааны стратегийн 6 дугаар зорилтын хүрээнд төрийн захиргааны болон хүний нөөцийн удирдлагын чадавхийг бий болгох, салбарын гадаад харилцаа, хамтын ажиллагааг өргөжүүлэх, үр ашгийг дээшлүүлэхэд дэмжлэг үзүүлэх, яамны үйл ажиллагаанд удирдлагын үр нөлөөтэй арга барил, соёлыг нэвтрүүлэх, ажиллагчдын нийгмийн баталгааг нэмэгдүүлэх, ажлаа тайлагнах, хариуцлага тооцох тогтолцоог боловсронгуй болгох зэрэг үндсэн чиг үүргийг хэрэгжүүлнэ.

Энэ нэгжийн үйл ажиллагаа нь цомхон, чадварлаг төрийн захиргааны мэргэшсэн албан хаагчдаар яамны тасралтгүй, хэвийн жигд ажиллагааг хангахад чиглэнэ. Энэ чиг үүргийг цаг үеэ олсон шуурхай мэдээлэл, мэргэшлийн зөвлөлгөө, үйлчилгээ, бүх талын дэмжлэг үзүүлэх замаар хэрэгжүүлнэ.

Энэ нэгжээс үзүүлэх үйлчилгээний үндсэн хэрэглэгч нь Боловсрол, соёл, шинжлэх ухааны сайд, яамны зохион байгуулалтын бүтцийн нэгжүүд, яамны шууд харьяа байгууллага байх бөгөөд шууд бус хэлбэрээр энэ үйлчилгээг хэрэглэгч нь бүх шатны сургууль, цэцэрлэг, соёл, урлаг, эрдэм шинжилгээний болон нутгийн захиргааны байгууллага, тэдгээрийн удирдлага, иргэд байна.

-----oOo-----